




HUG VAN LUUTE



verhuur en
verkoop van
geluidsinstallaties
en toniëlverlechting

och verhuur van installaties
veur de optocht



PRINS JO II



Orde van de Trucker



Vastelavendgezet veur 1983

31^{ste} joargank nummer 1

Veurwoord vanne redaktie;

De redaktie heet weer genoeg verhoale gehuërtj dit joar oom ein aaflevering vanne Kwakel te konne vülle.

Ut zeen weer dezelfde medewerkers as veurig joar en as gë neet mieër wëtj weem det det wore den kintj gë nog ein inkel exemplaar van de Kwakel van veurig joar kriege.

Doobie moot waai gezagdj wëre det die nummers van veurig joar dit joar deurder zeen oomdet wë der minder hōbbe.

As de verhoale euch neet aanstoan, den zōrgtj der mer veur, det in 1983 niks gebeurtj.

Wë hove den later auch niks te sjrieve.

De redaktie.

Contact gezocht:


Auch dit joar weer gevroagtj (veurig joar zeen der verrektj weinig reacties op gekome): EIN PRINSES veur ooze Prins; leefst alles derop en deraan met van ut ein nog get mieër as van ut anger. Vrachtwage gein bezwoar.

Det Tjeu noa Ell-kermis gein fles drank mier in de rék bove ut buffet dorst te zëtte.

Det inkele helpers bie ut kiene van de voetbalclub alle nummers al van boete kinne. Ein, twee, drie, veer, vijf, zes, zeven,

Det de noeëwjoarsreceptie vanne voetbalclub veur eine inkele behuurlik pet is gewééstj.

Det d'r eine woar op die receptie dé middenin ein gesprek achter euer veel.



Moeërebuuk en Moeërebuukskes,

Aan de eine kantj toch met ein bietje spiet, mer aan de angere kantj met veul plezeer kan ich dit joar mich aansloeëte bie de 29 Prinse die euch veur mich hōb-be moge bedanke.

Euch allemoal dank ich, minse, veur de maneer woe op gē derveur gezūrgdj hōbtj det Carnaval 1982 ein oonvergētelik spektakel veur mich is gewore.

Spesjaal dank ich groeëtvorst Wiel, vorst Harry, de Road van Elf en de Green Stars veur heur oonmisbare steun en mētwerking.

Ich hoop en ich vertroew derop det ederein Prins Jo II op dezelfde maneer helptj as det bie mich ut geval waas.

Jo, zēt um op mer dink der waal aan: dē kan fieëste en tamplēeste, is auch sangerendaags den ieëste.


Oat-Prins Jan III



Te sjerp gekeke

Veurig joar zomer ginge ein paar Eller luuj noa Rotterdam noa ein concert.

In ut stadion woeē det concert gēve wērdje waas verdomdj veul te zeen. Ut is allein de pest det ut doa zoeē groeēt is detse eine verrekieker nuēdig hōbs oom alles goot te zeen. Oomdet ut werm wēer waas lepe doa auch get mēēdjes roondj die tamelik weinig aanhaje. Waat gebeur-tjer asse die mēēdjes met de verrekieker goot wils zeen, mer asse vergits desse auch nog ein glaas beer inne henj hōbs? Sjuust... inne gang det de verrekieker veur d'auge steit, is ut glaas leeg en stinke de kleijer noa de zeūp.



det zitj lekker

Wistjer al det:

- veul minse meindje det Teike Rutjes Prins waas wie der oet det tapijt van Wijen geroldj wêrdje
det Thei anges flink heet ligge te zweite toen; veural, wie de Koalder op zien pens ging stoon
- det Tjeu vanne slechter mentj det 17 käärtjes vanne Boontje Oavendj same 108 gûldje koste
detter hieël blie waas wie der toen nog ein veur niks derbie kreeg
- det ein noejoarsreceptie veul zate minse kan oplevere
- det ut lang kan dore veurdet ein noe pekske kloar is
- det de heemkundevereiniging mieër minse oppe tentoeënstelling hōbbe gatj aster in hieël Ell woeëne (met de boeëteweike derbie)



De gebeurtenisse op eine door de wêekse daag bie Kunne Neel oppe beugelbaan. Doonderdig oavendj +9 oor; bie einkoomst, vedette: Sjeng, Wiel, Hanse, Jan Lenders, Wim Smeets, Kamp Bertus, Hover Sjaak, Pierre van Hokeberg en Thei van de Wer. Ierst get noa vertêlle euver de aafgeloupe zoaterdigoavendj kompetitie.

Beurskes Wiel, de groetste mondj, mer dūrftj waal zelf neet mier kompetitie te speulen, wêétj altied wiedet ze het nog bēter haaje kinne doon, (die anger zégge noe in het vervolg tegen hum, hē is mer eine plattelands beugelaar).

Sjeng heet nateurlik drek komentaar op Wiel, want hē haaj gewonne.

Thei van de Wer zeet niks, want ze hōbbe hum nog neet oppe kast gejaagd, mer det kumtj later oppe oavendj.

Hanse beugeltj tegewoordig neet alte best omdet hē de training verstek leetj goan.

Sjaak van Hover beugeltj goad, mer hē mōt eigelik eine lange toog aan van de oaje pastoar van Grathem, den zoge die angere neet det hē de bel los zétj van de kantj.



Wim van Kessels en Tinus van Kunne wore auch al aardig op dreef, mer Wim kreeg weer werk en Tinus wêrdje opgenome in het zekenhoes, zoedet det veur die twée op noe beginne wêrdj.

Jan Lenders is oppe beuglbaan hetzelfde as boete, eine kuitlap, mer toch ein vanne bêtere beugeliers.

Den kumtj Neel binne mêt Marie, gooie oavendj allemoal.

Het heet uch zoaterdig nog weer goad gè-
gange hê, joa, zeet eine van de beugeliers,
det kumtj ômdet de plattelands beugelier
dêr neet bie waas.

Pierre van Hokeberg en Kamp Bert zeen minse van de get oajere stempel en alles waat ze doan, doan ze te gooi, dus hiël zeker auch beugelen.

Den om ein oor of 12 zeen de meiste beu-
geleirs weg, waat trouwens auch eine
sjoane tied is op eine doordewéékse daag,
en as den bekans ederein weg is kumtj
Wim van Geutjes nog om te stoëte.

Sjeng en Wiel willen nog waal ins met hum beugelen. Marie en Neel kieke nog ins schijf noa de klok en gêve der nog eine, wielang dit 5 tal den nog blieftj vertèllen wê euch op ein anger joar in eine angere kwakel.



Jantje, Pietje en Kleuske haaje op sjoël proefwerk sex gehatj.

Ein paar daag later kreges ze ut noagekeke en al trúk van de juf.

De puntje woare neet zoë geweldig.

Jantje haaj ein zês, Pietje ein vief en Kleuske haaj mer 'n ein.

Alle drie woare ze neet erg tevreje euver heur puntje. Ze zonnen op wraak en sproken aaf det ze juf noa sjoeltied ins good zooje pakke.

Noa sjoeltied stinge ze mêt heur drieje de juf op te wachten op het sjooplein.

Ze besproke hoe ze de juf zooje aanpakke. Jantje; als de juf keumtj, griep ich ze en hoaj ze stevig vast, doaop zag Pietje, joa det is good, den trék ich hur waal de rok omhoeg, "Sjiek", zeet Kleuske, den stamp ich heur ônger heur kloeëte.





veur fiejeste en tampieeste, kees hieueur
os gemeinshapshoes, benut 't optimaal

Dees bladzij waas gereserveerdj
veur ein verhaal euver de noeëwe
zaal, mer det geit noe neet door.

Discussie aafgeloupe



Winne of verleze
in de kantien is
het altied gezellig
met ein lekker
glaas spa
of beer

Veur de wedstriet

Manne, waat oos verleje wéék is euverkomme,
maag neet mier gebeure. Verleze wé vandaag,
den zulle dér köp rolle. Dootj der neet eur
best, den zal ich d'r persuuulik veur zürge,
det ge doa euch hiel léven spiet van zultj
höbbe.

Jansse, dich volgst diene man eueveral woe
hé zich beweegtj. Konstante dekking en des-
noëds de botte biel hanteren. Neet te bang
zeen om hum ut zeekehoes in te stampe.
Kanters, dich verdeilst op ut middeveldj
ut spel. Dich geufst de goole passes aan de
spitsen. Kriegst dich mandekking, ein klein
tikske tegen ziene achilles, achter de rúk
van de scheidsrechter om en van diene tegen-
stenjer, zeulste de hiële wedstriet gein
last mier höbbe.


Thijssen en Houben, gé zeetj de spitsspeulers,
gé mötj de goole make, gé mötj ut zaakje
aafreunje. Goatj door op de Kieëper van
heur, auch al heet der de bal in de henj.
Nog vroage manne, de wei in en dúrftj neet
hie trúk te kómme veurdet die twie puntje
binne zeen.



Teunissen, ich meindje det we altied in
greun bökse voetbaldjen.
Joa mer trainer, ich vinj dees blauw zoe
sjoen.
Ich höb die gekrege veur miene tiendje
verioardaaq.




Götj mens kieke inde
ös bank, dao hubbe
ze het, van aanmaak-
blükskes töt allesbranjers




Dit en nog veel mier is te
kriege bie JAN en MIA

STRUUK EN BUIH INNE HOOF
SRJA MOORS HEET ALTIED
WAALGET
GREUNS



bie marie en bër krieg
ze het werm aangebooje
auch met slecht wer



Wistj gé al

Det d'r minse van Roy zeen, die verlangendj
oet kieke noa de vasteloavendj.

Det den de Eller militaire heur joarliks
oetstepke hoaje.

Det de boontje aovendj van verleje joar
bést waal rumoerig waar.

Det det veural in de buurt van ut buffet
waas.

Det wé volgendj joar weer ein béttere prins
kriege.

Det ze in Duitslandj neet pstttt.....moest
zégge.
Det ze den de groeëtste herrie kriegst.

Det ondanks ut werme wéér veur deze tiéd
van ut joar de road van elf weer eine
vorst heet.

Det "Ellenhof" ein gemeinsjapshoes is.



De story of JO II



Op zoaterdag 15 januari wérdj Jo van Sjeng
vanne bekker oetgeroope als Prins Jo II
prins carnaval 1983 van de Moeërebuuk.

Om Jo get bétter te liere kinne, volgtj hie
ein klein lévensverhaal.

Jo wérdje in 1959 gebore. Hé ging noa de
kleutersjoel noa de liegere sjoel.

Hé waas eine boetegewoën gooje lierling.
Tevens waas hé de braafste jóng van de **klas**.
Als angere kattekwoad oethooldje, dacht Jo
aan ziene toekomst. Ederein waas ut der-
euer ins det Jo later minister of pastoer
zooj wére, mer Jo woej get anges.

Elke kier als hé eine vrachtwage zoog of
huurdje, wérdje hé onrústig en begóoste
zien auge te glanzen.

Ut wérdje al gauw duudelik, det Jo zien
hert haaj verlore aan de keuning van de
weeg.

Terwiel anger joanges út jeugddanse in de
buurt onveilig maakdje, van viëf glazen
beer zaat werdje en achter alles aanzootte
waat op méédjes leek, zoot Jo beuk euer
trúks en beroemdje trúckers te léze en
dreidje hé plaatte van Henk Wijngaard en

Trúcker Tina bont en blauw.

De tiët noa de lieëgere sjoel waas ein kwellling vuer hum.

Veur op eine vrachtwage te kroeëpe mooste achttien zeen.

Jo moest nog zes joar wachte. Hé wérdje toen lid van de I.T.C.N. de Illegale Truckers Club Nederland. En kwaam ooze heldj als joongere tiener al op de weeg. Oeteindelik waas Jo achttien en in no-time (truckersterm veur ongeluiflik snel) haaldje hé ut riebewies veur auto en vrachtwage.

Euveral woe Jo kwaam, zooje ze hum neet zoe snel vergéte. Hé bereistje stad en landj, van Hunsel tot Swartbroek en van Kelpen tot Haalder.

Weem zich vervéeldj, mót mér ins noa Jo goan, dé verteltj uch verhoale euer dinger die hé heet métgemaaktj.

Nog spannendjer den films zoeals, Caligula en Raiders of the lost Ark.

Doanéve is Jo nog aktief in de voetbal-lerie. Hé geldj momenteel als het talent van ut veerdje van E.S.V.


Helaas is Jo get dék geblesseerdj mét name



op die zeundjige wanier de Road van Elf de zoaterdig van teveure op stap is gewééstj.

Aldus waas dit in ut kort zoeën bitje ut levensverhaal van oose noeëuwe Prins Carnaval.


Euver Jo is nog lang neet alles gezagdj. Helaas, want ut hiële levensverhaal van Jo is net zoe lang en spannendj als Dallas. Euverigens, diegene die dit verhaal neet geluive, mótte det zelf mer weëte.




Wistjer al det:



- det bie de eupeningsactiviteite van Ellenhof ein tonieëlstuk is opgeveurdj det doobie inkele groeëte talente zeen oontdektj
- det ut doobie auch neet veul haaj gesjildj of op de ieëste riej haaj emes ein kunstgebit in zien gezicht gekrege
- detter nogal get minse zeen die meine det in ein gaat zandj zitj
- det fietse in Ell neet veilig mieër zeen allewiel
- det de Prins van dit joar veurig joar gelieërdj heet wie hoeëg ein buffet kan zeen asse der vanaaf toemels
- det Siem vanne Koalder nog noeëts de Prins goot heet geroaje




Dit mot waal
bie THEU en
MIEN zeen



we húbbe ze allebei

De wisseltruc; of waas t r get anges
ane handj?

Ein oad mins, wea zulle ze oma neume, ging
oet Ell vertr kke weges omstandigheden.
Oma p kdje van alles m t en waat euver bleef
koste de kinjer zich verdeile, waat den auch
gebeurdje. De beplantjing rontj om het ho s
kost oma neet m t pakke, mer waas waal door
heur betaaltj en aangeplantj. Daags noa de
deiling ging ein dochter van oma m t heur
zwoager (eine serdelhondj) zich get plen-
tjes oet doon, aan oma heur hoes, want ze
meindje det alles w g moest zeen, veurdet
Sjaak drin kwaam. Auch Zef p kdje zich nog
get plentjes m t, ofsjo n der toes rommel
zat ane koej heet. 'Soaves kumtj de j ng-
ste van 't gezin, dea de deiling geregeltj
haaj (want det m tter eine doon m t veul
verstandj) bie oma heur hoes en zuut det-
ter flink gedaptj is gewore. Hea weurtj
nog witter  m zien naas wie der det zaag
en reuptj ein paar franse weurt.
Hea wist zich geine road, de Hie le aan-
plantj dea d r Sjaak verkochtj haaj waas
w g.



Mer wiegezachtj haai der veul verstantj,
hea p kdje zich eine meater en ging de sjoon-
aafdr kke meate.

Wieder toes kwaam beldje der zien hie l fe-
milie aaf  m te vroage waat veur moat ze in-
ne sjoon haaje. Zo  kwaam der drachter weem
de "dader" waas.

Hea deildje zie z ster in minder vleindje
weurt m t, det die struuk tr k moste kome,
of detter anges de blauwe aan te pas kwaam
terwiel die ter niks m t te doon haaje.

Wie ich sangerdaags 'sm rges veur ut werk
 m 6 oor miene hoondj oet leet, wore Zef
m t zie sjo nz ster plentjes aan 't pote,
d t m t sjienbaar in 't d nker gebeure,
want den sloan ze beater aan.

Of det verder inne familie alles kook en
ei is, d t wete wea neet.

Mer wea wete waal det Sjaak eine Sjo n
aangeplandje tuin heet.

AAN UCH ROLLADE
WEURDJ REEDS GEW RKDJ



DE
S
L
E
C
H
T
E
R

Eine gewúúne moandig oavendj

Weem op moandig aovendj oeit van plan zooj zeen bie café Bellekes ein glaas beer te goan drinke, mót det zeker ins doon.

Op zoe eine oavendj gebeurdj nog ins get.

Zoe auch op dé aovendj toen het twiedje veertal van Carambola nl: Kopman Koos, Wim van Kessels, Tjeu van Huyskens en Ronnie van Miet net terúk waas van alweer eine verloren wedstried.

Ronnie haaj dé aovendj moge rieje.

Hé haaj ziene auto netjes geparkeerdj veur de deur van ut café.

Mer Ronnie haaj vergéte det ut dé aovendj nogal get mistig woor.

Toen ze einmoal binne woore en Wim veur de zeuvelste kier aan, het kalle waas det hé van de biljartclub aaf zooj goan, begost ut ge-oajhoor pas good.

In ins eine slaag, die door inkele wérdje gehuurdj, mer woe aan verder gein aandacht wérdje gesjónke.

Allein Paula vertroedje het zaakje neet zoe erg en meindje det de auto van Ron geknuptj woar.

Nemens woej Paula geluive, mer toen einmoal boete gekeke, stöng Ronnie's auto neet mier



op de plaats woe hé hum haaj geparkeerdj. Hé sting iets verder, sjuins op de stoep, intússe verangertj in eine Golf.

Sommige, die oppe tiet noa boete woare gesjote, haaje het kenteike van de dader weete te notere.

Noa achterAAF gebleke, allemoal fout.

De plies wéérdje gebeldj en in aafwachting doa op wéérdje driftig gekaldj euver de aaf-loup van dit incident.

Doa wérdje get aafgefantaseerdj.

Ein poës later vleugtj John wie eine gek noa boete, waat waas der aan de handj?

Midden op het kruuspuntj waas eine wagen gestoptj, dé haaj eine deuk dé zuuver leek te passe in dé deuk van Ronnie ziene auto.

Ederein noa boete en John zat de achtervolging in onger ut motto, de dader kiertj altiet truk noa de plaats van ut misdrief.

De plies waas intusse gearriveerdj en ederein wachdje in spanning op John, joawaal. heur, doa kwoom hé aanzétte.

Hé haaj de dader in Swartbroek klem kinne rieje en leverdje hum zoe aaf aan de plies, dé hum insloot in ut buske.


Degene die boete stinge haaje de groëtste lol.

Hee plies, maag ich hie waal stoan mèt miene keu inne henj, vroeg Wim aan de plies. De haaj doa nateurlik neet zoe gauw ein antjwoord op.

Als dich mich 25 guldje geufst, loat ich dich oet ut buske, sjriewdje emes noa de man dé waas opgeslote. Doa wéerdje mich get zeiver verkochtj.

Omdet John, alias J.R. Bellekes de heldj van dé daag waas, wérdje achter geslote deure nog lang doorgekaltj.

Alleen Mart dorst niks mier te zégge, omdet Mart edere kier' als hé de moel opetrök, de keu van Wim op ziene kop kreeg.



Wistajer al:

Det ut motto van de vasteloavendj van dit jaor door veul minse zal wére noagekomme.

Det Roy-kirmis behuurlik deur kan zeen, veural drie moandj later.

Det sömmige meine det ze drek ein sjeet-buks nog mèt numme als ze veur hongerd güldje hubbe versjote aan de sjeet-tent.

Det ut bie Tjeu auch boete ut seizoen carnaval kan zeen.

Det bie Belleks aan de biljaar ein bürdje kumptj te hange mèt de tekst; "pas op voor laag-vliegende ballen".

Det van Nieuwehoven noa de noeëwjoars-receptie van de voetbalclub noeëw gazon heet kinne inzeije.

Det Pierre van Berben mèt de Kano-bal tegen vrouwelikke tegestejers ierst de bal mèt de peddel en doa noa de vrouluuj mèt de henj stoptj.

In Rüdesheim am Rhein

Veer joonges oet Ell en Wiert ginge vanne zomer op vakantie noa Duitsland. Om precies te zeen noa Rüdesheim am Rhein.

Daags van teveure woare de planne gemaaktj en de daag doanao vertrökke ze mèt get bagage en veul geldj oppe tes.

In Rüdesheim aangekomme wérdje de tentjes opgezatte en de rotzooi oetgelaaje.

Ut waas al snel aovendj en beslote wérdje òm flink te goan bikkelen in ein echt prussichs restaurantje.

Noa good gevréte te hubbe, ginge ze op stap. De eine noa de angeregroeëte "hoempe" wérdje noa binne gewérktje.

Ze sproken aaf òm die Duitsers ins te kloeëte en net doon of zuuj oet Engelandj kwoame.

Ze begooste engels te kalle en det lùktje mèt behùlp van de drank zoeë good, dèt de eine noa de angere Pruus doa in traptje.

Allemaal meindje ze det die joong oet Schotland kwoame.

Mer op ein gegéve moment kwaam d'r eine zoeën bitje aan ut vrieje mèt ein Deutsches fraulein.

Vrieje of neet vrieje, ze bleve hoëg ingels kalle en ze dachte det det fraulein aug doa in zooj trappe, mer ze haaje ut gruwelik mis. Op ein gegeve moment zeet det fraulein; "Woher aus Holland kommt ihr", Zoe zeetj ge, det d'r aug nog slumme Pruusen zeen.



DE SJILDER



FRANS VAN FONS

Karnavalsvrienden,

Met bijzonder veel genoegen wil ik hierbij gevolg geven aan de uitnodiging van het bestuur van de "Moeërebuuk" te ELL om enkele woorden te schrijven in de Karnavalskrant 1983.

"Karnaval" is het jaarlijks terugkerend festijn der zothed.

Gedurende drie dolle dagen wordt dan in de zuidelijke provincies van Nederland uitbundig feest gevierd door jong en oud.

Ook in deze gemeente en zeker niet in het minst in het rijk van de "Moeërebuuk" weet men op vaak zeer treffende wijze uiting te geven aan het karnavalsgebeuren.

Zo is het steeds weer verrassend te constateren, met welk een humor en geestigheid tijdens prinsverkiezingen, bont avonden en optochten wordt ingespeeld op situaties en gebeurtenissen, die zich in eigen dorp, de gemeente en ook ver daarbuiten hebben voorgedaan.

Het hoeft geen betoog dat hierdoor de lachspieren van iedereen in beweging worden gebracht hetgeen in deze tijd, waarin we iedere dag geconfronteerd worden met sombere toe-

komstvoorspellingen, een zeer heilzame werking heeft.

Ook de "saamhorigheid" die het spontane carnavaal vieren teweeg brengt, is een ervaring die goed doet.

Zoals U bemerkt, zijn er diverse factoren die pleiten vóór het instandhouden van de eeuwenoude carnavalstraditie.

Met een gerust hart zal ik dan ook gedurende de komende carnavalsdagen de "bestuurlijke macht" overdragen aan de Prins en zijn Raad van Elf.

Tenslotte wil ik elke inwoner van groot tot klein uit het land van de "Moeërebuuk" toeroepen:

Zet drie dagen Uw zorgen opzij
Maak pret en wees blij
Volg de Prins en zijn Raad
Dan blijft U goed in de "maat"
En zult U straks met plezier
Terugdenken aan dit Carnavalsvertier.

Hunsel, januari 1983.

De burgemeester van Hunsel,
Fr.Cortenraad.



Béste Moërebuukskes en Moërinne

Het is mich as Prins JO II ein groat genoeg om hie ein eupeningsweurdje néér te zette.

Ich wil efkes bedanke, miene veurganger Prins Jan III déé det good gedoan heet, en het nog good duit, mer noe as vorst.

Auch wil ich bedanke de aafgetrooje vorst Harrie déé det het aafgeloupe joar prima vervangen heet.

Verder groatvorst Wiel auch nogmaals bedanktj veur die 22 joar det gé uch doa veur ingezatte hüptj met al die vaste-loavendjsdaag. (Wiel bedanktj).

Ich hub het Prins zeen as prinsgeerlijk ervaren, mer ich wil auch uch allemoal bedanke veur de geweldige belangstelling en gezelligheid getoondj en gebracht, mét de door oos es geslaagdj gevonje Prinsebal, Prinserceptie en boontjeoavendje.

Omdet de Kwakel gein Prinsegezét is en ich het dus kort wil hoaje, wil ich uch allemoal eine fijne vasteloavendj toe winse en besloete mét het motto;

Die blieve tot de léste

Det zeen de béste.



P.S. Ich wil het neet noaloate oom efkes mét te géve det 't noe zunjigmiddig is +half drie en we toevallig bie Nol zeen aangelandj, ich aan ein teüfelke rüstig allein en opperfit en aan de tap de rest vanne bende in ein zeer gooi stumming.

Vorst Jan en Hub vanne Baars in al miër dan 24 oor in het pekske, zonger oet te hubbe gatj.

Noe dinke zie det ze de allerbéste zeen omdet ze het zoëlang volgehoute hubbe. Jönges, maaktj det gé toes komtj veur- det de bom barstj.

DE ROUTE VAN DE OPTOCHT

Opstèlle oppe Kampstroat, via de Busstroat om 14.00 vètrèkke wè.

Ierst de Sebastiaanstroat, den de Niesstroat achter de kirkhoof door, richting Meulevêldj, noa de Brederkamp, de Zwartbrookstroat in de Meijdoornstroat, de Magnoliastroat, doanao weer de Niesstraot, dan de Sebastiaanstraot, en achter de bôndj geit eder ziene kantj. Wiltj djur de optochtroute vriejhoaje van auto's.

Oom 8 oor is 't priesoëtreike inne Ellenhof.

Het optochtkomitee.